

中国边疆研究资料文库·边疆史地文献初编

西南邊疆

第三輯

中国边疆研究资料文库·边疆史地文献初编

西南邊疆

第三輯

(清) 菊如撰

滇行紀略



滇行紀畧

甲辰夏錄

菊如自題

道光十七年丁酉孟冬月由江右楚南赴
滇省迤南普洱府威遠任覲省

念六未正啓行附義烏金之桂舟至蘭谿
縣時天氣初冷河水適勻篷窓無事作
字讀詩兼領畧青山紅樹亦甚自得也

惜日為風伯所阻至嚴州轉港後順風
揚帆大暢人意

初三辰初抵蘭谿厲南門恒升店與
認梅尉堂

兩兄長昕夕話別杯酒談心計盤桓六

日

留別梅尉長兄疊踏荷行兩關
雁序聲和錫原影互衷情正好挑燈訴

撩人爭奈是離思未曾歡聚先愁去
綠水青山白雲紅樹今霄酒醒知何處
相逢已不多時相思無奈須禁住
別緒千般離愁萬縷臨歧翻覺無多語
椿萱兩地各分承望雲都莫思量苦
念載論文千年獻賦可憐自期無誤故
從今萬里隔雲山前程各自期無誤
留別趙月楂世叔話舊情深感不支本
苔岑重晤又將離話舊情深感不支本
以文章通世好况兼詩酒訂心知相逢
爭奈為期促小叙翻添後日思從此懷
人千萬里不堪春樹暮雲時

初九巳正啓行附義烏朱星林舟至常山

縣過龍游縣後岸敞山遙水亦平濶

初十過衢州府府城面河有浮橋一座過

後則河勢紆曲水淺灘多距常山雖只

一站甚費牽挽之力十一亥刻泊三里

灘離城三里船到時即有行戶來迎并

代剥行李至厲

十二卯刻步進小東門至周三十行恰與

恒升客葉慎翁益豐客汪侶翁同厲因

同到縣署城隍廟一遊

城隍廟甚宏敞邑令莊公于是日試
武童又到南門較場一觀考者不過卅
餘人

十三卯刻乘筍輿過山見一路肩夫往來
絡繹于道如蟻緣附而行因嘆利之驅
人固無不踴躍爭先也

聞前十數年路被小車推壞極難行旋
修旋圯後邑令劉公先嚴禁小車再勸
捐重修康莊大道商旅咸歌頌之并
立生祠于東津橋側
劉公在邑頗多政績後以調簾竟溺斃
于富春江

四十里草萍街尖是地有巡司駐防前五里為屏風關後五里為曹會關均依山築城乃江浙分界之所

尖時與粵東張君祥鑑遇同到吳彩興店小飯一見情殷如舊相識再廿五里為太平橋輿夫必息肩小憩店中少婦扶

轎笑迎如不飲茶店主即冷言相諷且有怒容以色招人而又以勢欺人狡矣又十五里玉山縣行家均在西門街常玉過山亦猶錢浙過塘行李但點明件數初不煩親自一一摒擋也予厲祝華封行行主祝晤恒升客姚鳳翁頗蒙照君福生

拂因同至街上步月上關鷹武廟看灯

戲

十四僱舢子船赴省

又名四艚板及會昌等舢大小官

價亦極昂

船與歙浦駁船相仿而頭尾

較高光澤亦過之後為官艚中為爨所
前即伊等眠食之處也惜沒遮欄耳午

刻啓行方欲領畧雲山披閱書史漸覺
頭岑々然口酸作嘔遂擁衾靜臥泊後
挑灯起坐作字讀詩依然故我也始知
舟小且輕未免為搖擺所累船戶 陳發

祖鉛山縣人操舟者三人

江西一路土酒有紅白二種紅者色濃
味甜名曰伏酒白者色清味淡名曰冬

酒每斤約廿餘文兩冲殊覺合味

十五早辰過廣信府亦有浮橋一座申初

泊河口鎮官埠頭步至益豐號候

瑞章
燦亭

兩宗長薄暮回船忽聞鄰舟相喚推蓬

一望又與張君祥鑑遇即邀入艚一談

意外相逢更增款洽復到伊舟小坐蒙

六

示自鈔曲譜及日記紀游詩極工綴詩
亦清新惜南東異路不得約伴同行為
悵然久之談至戌末歸舟

張弼韶臺行三番禺籍本科順天副榜
議叙雲南提舉司職人極個儻一見便
覺殷：情觸于中偶成四韻留贈
丰裁一見便縈思僥倖山村邂逅時此
會本從無意得論文却似久心知蓬窓
重晤還愁別萍水相逢轉恨遲可惜雲

山難共棹未能暢讀紀游詩

十六將晚過弋陽縣沿途石山最多時聞
鑿聲丁丁然

十七早辰過貴溪縣夜泊石港塘有關巡
查私鹽蓋此處已食淮鹽每斤較浙鹽
貴數十文是夜孤舟泊石港塘二更後